

Число 9

Ужгородъ, сентябрь 1922.

Рочник II.

# БЛАГОВѢСНИКъ



# ПОДКАРПАТСКИЙ БАНК в УЖГОРОДЪ

ПЛОЩА МАСАРИКА 11.

ОСНОВНЫЙ КАПИТАЛ 5.000.000 К.

ФІЛІЮ МАЕ В АМЕРИЦѢ ПОД ФІРМОЮ:

„American Foreign Exchange Bank“ of Mc. Keesport, Pa.

В МУКАЧЕВУ Головна улиця (дом Мукачія)  
а також В ЯСЬНЮ.

ТЕЛЕФОН:

№ 47.



Чек конт. почт. щадн.

№ 2978.

ЦѢЛЬ БАНКУ:

- а) Матеріально и морально подирати наш бѣдный руській народ.
- б) Здобыти матеріальну независимость для Подкарпатской Руси.
- в) Забезпечиги богатство (скарбы, сокровища) Карпатов для всѣх наших Русинов.

Взагалъ занимatisя буде банк всѣми дѣлами и вопросами, которыми тисячами народа мож забезбечити роботу, заробок и добробыт.

Особливо занимatisя буде наш банк: Дисконтацію векслив, веденем бѣжучих рахунков, позичок вкладами, закупом товаров, промыслом, торговлею, господарством, поставленням фабрик и заводов.

## РУСИНЫ АМЕРИКАНЦѢ УВАЖАЙТЕ!

Наш банк переведе вам найдешевшо замѣну долларов, драфтов и чеков.  
ЗА ВКЛАДКИ ПЛАТИТЬ БАНК 4% — У всяких финансовых (грошевых),  
господарских вопросах, хто ся до нас обернє ОДНОВѢМЕ БЕЗПЛАТНО

## ПОДКАРПАТСКИЙ РУСИНЫ!

Подпирайте свой одинокій руський банк, свою власну інституцію,

Се ваша слава, честь и будучность.

УПРАВА ПОДКАРПАТСКОГО БАНКА.

Число 9.

Ужгород, септембра 1922.

Рочник II.

# ВЛАНОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить раз в мѣсяць.

АДРЕС:  
редакції и експедиції :  
REDAKCIJA „VLAHOVISTNIK“  
Užhorod, Kapitulska, 3.

ПРЕДПЛАТА:

на рок ..... 10 К  
одно число .... 1 К  
За границу .... 15 К  
До Америки 25 с (1/4 Д)

ОБЯВЛЕНИЯ

принимаются по цѣнѣ  
за 1 сторону .. 120 К  
за 1/2 сторону.. 75 К  
за 1/4 сторону .. 50 К

РЕДАКТОР-ИЗДАТЕЛЬ :  
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР :  
ЕМИЛІЯН БОКШАЙ.

## Коблина.

В нынѣшних борьбах против церкви нашей най-частѣйше выкорыстают вороги наши так званну „коблину“, т. е. тот стародавный способ платнѣ духовников, что каждый вѣрник-господарь из урожаю своего дав по 1 або 2 вѣка зерна.

Давно, дуже давно было то так установлено, коли ще не было так легко продавати и куповати. Тогда и господарям жилося легше. Маєтки не были так роздробленѣ. Было землицѣ доста, было где газдовати и коли уродилося доста зерна, охотно дав господарь духовнико в ту коблину.

— Что Бог дав, из того приходиться дати частину и слугам Божим, — най Господь благословить плоды земли! — сяк думае побожный чоловѣк и ганьбиться, если его священник бѣдуе, або цураво ходить.

Но часы ся перемѣнили. Прійшли новѣ колонисты, графы и лихварѣ, заняли обширнѣ територіи и прільжный Русин не мог себѣ дальших земель закуповати, и подѣлив свой маєток меж сынами и так сіи могли вже лиш на меньшом грунту газдовати.

Так дѣлилися землѣ наших господарев дальше аж до того, что на одного газду осталося хиба лиш по 8—10 даже 1—2 морги землѣ так что из того не може выжити. Сталося сеproto, ибо мы не мали свободы и не мали'сме своеѣ краины, своеѣ школы, не

Сторона 2.

„БЛАГОВѢСТНИК“

Рок 1922.

научали сынов руського народа ни на ремесло ни на торговлю, не учили нас по нашему, не учили лучшим способам газдованя, так что из тої маленької землицѣ Русин не знатъ собѣ добыти отповѣдного хосну, як то роблять малоземельнѣ господарѣ свободных и просвѣщенных краев, як Даніи, Чехіи и пр.

И так число душ размножилося, потребовало больше духовної обслуги, колись великѣ приходы розорвалисѧ на малѣ, но в наслѣдок того коблина упадала все на меншій маєток. Колись 40 морговий маєток под 30—40 роками мог розпастися на 4—5 малѣ, ледва 6—8 морговѣ маєтки. И по давному звычаю, кожда фамилія, кождый господарь давав коблину полови и дякови, бо и сим треба из чогось жити.

Розумѣєся, что сесь тягарь особливо под час войны, коли зерно дуже дорогое было, для найбѣднѣйших господарів стався дуже великий. Болѣло не одного бѣдняка, что он лиш так само дає коблину, як тот богач, который має 40 або больше кобликової землѣ.

О том вже от давна говориться у нас, что сесю несправедливо розвержену дань треба замѣнити так, чтобы богатшій больше, а бѣднѣйшій менше платив. Но се не так легкое дѣло. Ибо коблина произойшла из побожного звычаю и была установлена царскими, державными и церковными законами, и теперь лиш законным путем можеся замѣнити. А теперь у нас не е ни церковної а ни краевої автономної организаціи. и так не маєме способного органу, который бы мог сie дѣло дефинитивно вырѣшити.

Пражскій парламент може нам прїйти на помоч'и провизорично (дочасно) може замѣнити коблину и духовенство за утраченый из вины административных властей (указ д-ра Брейхи, который дня 4/III. 1920 под числом 3892 выголосив, что правительство устранить коблину) свой законный доходок, но дефинитивно може се дѣло рѣшити лиш сойм Подк. Руси на основѣ постановлений церковної автономіи гр.-кат. церкви, т. е. на основѣ порозумѣння свѣтскої и церковної репрезентаціи гр. кат. церкви.

И сю обставину выкорыстують кацапскѣ агитаторы, все лиш то говорять, что „попы друтъ вас коблиною“ и тот бѣдный селянин не раздумуючи, не разваживши дѣло, что духовник не установив и не мае права сам замѣнити коблину, на хвильку вѣруе подпаченным агитаторам большевицкого кривославія.

Но кто на сесю справу позерае оком побожного вѣрника, тот на хитрѣ бесѣды агитаторов то каже:

— Иди от мене, не искушай мене слugo дївола !  
Коблина се наша справа, полагодиме мы сами !

— Полагодиме, чим мож буде так, чтобы сесь давный звычай справедливо быв замѣнен, чтобы никто не мог поносоватися за незносиму церковну дань. Бо церков як добра мати николи не жадала и не жадає шкоду вѣрников.

Межи вѣрником и духовником мае быти щирое довѣріе, як меж отцом и дѣтьми.

И если е довѣріе, тогда и сеся справа легко и скоро буде вырѣшена.

Если не будеме слухати на агитаторов, но вѣдно будеме держати, и будеме мати рѣшучого слова в соймѣ, тогда замѣна коблины може ся стати так, что из замѣны лиш една маленька третя часть припаде на вѣрников, друга часть може быти нагорожена великими матетками (патронатами, а третя самою державою.

Головное, чтобы мы на сie дѣло позерали спокойно, с добрым сердцем ко церкви, котроѣ независимость е в интересѣ всѣх нас, котрѣ побѣду правды Христовоѣ жадаеме, иproto сie дѣло так маesя вырѣшити, чтобы свобода церкви не терпѣла замѣною коблины.

Для того напоминаеме кождого вѣрника, чтобы не вѣровав легко злым, хитрым бунтовникам, но чтобы с довѣріем вѣдно с духовниками swoimi усиловалися полагодити сесю важну справу нашего духовного житя.



## Святость Христовой Церкви.

Христова Церковь должна быти свята, так бо стоить въроисповѣданію: „Вѣрую в едину „святую“, соборную апостолскую церковь.“ Сія святость только в нашей, так званной каоолической церкви находится.

Бо основатель сей церкви есть сам Христос Бог. Наука котру она голосить е свята и провадить каждого до святости. Найлучшій доказ сей истинны есть огромное число святых. Великѣ товпы мучеников, котрѣ проливали кров свою за Христа; безчисленное множество святых дѣв идущих за наукою Іисуса Христа; численнѣ монастырѣ с святыми монахами, котрѣ покинули свѣт за Христа, и великое число тых свѣтских людей, котрѣ може безбожниками їжіуть правдиву христіянску жизнь.

Христова, кафт. церковь, не только перебрала от Христа Х. Бож. заповѣдей и 7 тайн, но она со всѣми силами заохочує вѣрников, чтбы жили по тым заповѣдям и укрѣпляли ся святым тайнами. Штатистики уже давно доказали, что де кафтолическое населеніе бывае, там многое меньше злочинов е, як там де друга вѣра (еретицка) має своих вѣрников. И кто уже мало обертає ся в свѣтѣ, должен признати что церкви греко- и римо кафтоликов повнѣ вѣрниками, сповѣдальницѣ постоянно окружаютъ каючѣ ся грѣшники, и только многое причастников еще и приблизительно не може очислити жадна друга религія окрем кафтолической.

Рок 1922.

„БЛАГОВЪСТНИК“

Сторона 5.

Котра інша церков може величати ся такою святостю як наша? Ци мають святих Лютераны, Кальвины, Англиканы? Ци суть святъ у шизматицкой церкви? Нѣт, нема жадных и не може быти. Бо их наука не є Божа, их наука не є свята, тым больше, что они самъ не знаютъ яка их наука. Видь что пише про теперъшнюю россійску „православну“ церков оден виливовий россіянин Меньшиков въ своїй статъ: „Розклад обычаев серед низшого духовенства є наслѣдкомъ корѣнної причины, то есть загальногго розкладу „православной“ церкви, якій лише Богъ може застановити. Туй зверху все выглядаетъ якъ такъ до ладу, але у внутръ видиме крайний нелад, повное вымирения Христового духа. Духовнѣ академіи и семинарии подготавляютъ священниковъ съ поганскимъ свѣтоглядомъ“.

А о. Пальміері, монах чина св. Августина, кто быв довшій час въ Россіи и изъ близка познакомив ся съ россійскимъ православіемъ, въ своїй книжцѣ: „Церков Россійска“ такъ написавъ про россійскихъ монаховъ и священниковъ: „Лучшъ одниницъ „православной“ суспольности мають якъ наибольшое обморозеніе до монашеского стану, у котрого находять неморальность, простацтво, egoизмъ. Монахи, котръ колись мають стати епископами, часто не заслугують на имя монахъ, а часами навѣть на имя христіян. Такій іеремонахъ Димитрій, инспекторъ Тамбовской семинарии, отданый піянству и розпусту, або іеремонахъ Іеронимъ изъ той самой семинарии, кто голосить безвѣря, ци могутъ называть ся христіянскими монахами? Священники по большій части пріймаютъ духовный стан противъ своей воли, присилованіемъ обставинами. Всѣ заявляютъ, что оставили бы священство, чтобы отдали ся іншому станови.

Клерики, котръ учать ся на священниковъ, кажуть, что священство не есть ихъ идеаломъ. Они присутствуютъ на богослужбахъ лише изъ примусу. Смѣлѣйшъ приносять до церкви свѣтскѣ книжки до читаня и новинки и спокойно читають въ часѣ отправы або молитвы“.

Если такъ пастыръ, якое тогды стадо? Коли проводники народа стоять такъ низко, коли у нихъ нема и слѣду духа Христового, что казати про простый народ и про цѣлу церквь греко-восточну (шизматицку)?!

Сторона 6.

„БЛАГОВѢСТИК“

Рок 1922

У них цѣлею житя: грошъ, церковнѣ достоинства, а не житя по науцѣ Христа и святих. Ци може быти *свята* сеся церков, котра має такое духовенство и таку суспольность?! А єще туй у нас, на Подкарп. Руси як блестить *святость* батюшок, сих неграмотных, и безмoraцьных оди- ниць, котръ смѣютъ на себе взяти священическу одвѣж и себе называть священниками!

И якъ святъ сутьtotы агитаторы, котръ за юдинъ грошъ всякими „святыми“ брехнями изводжуютъ народ, и всякими родами насильствія примушуютъ переписати ся на „святое“ православіе. И якъ святъ totы подбуренъ селяне, котръ вломлять ся пасилою в нашъ церкви, ограбляютъ по-свяченъ образы, и церковнѣ рѣчи, отровляютъ колодязы чесных вѣрников, и не отстрашаютъ ся и от самого убийства. Ци може быти *свята* tota шизматицка вѣра, котра розширяє ся мечем, насильствіем, кровію, слезами, плачем, крадїжю, брехнями, клеветами и іншими чисто діяволскими средствами?


Хвала Богу великое наше счастья, что мы не принадлежимъ до сей „святой“ церкви. И дуже, дуже шкодуємо тых ослюпленых селян, котръ такими средствами дали ся извести и выступивши из правдивой правосл. гр. кат. Церкви переписали ся в церков шизматицку, осквернену ганьбливими злочинами и кровію мученическою невинно убитых.

---

Просиме каждого читателя „Благовѣстника“, пописати нам всѣ клеветы, брехнѣ, напады, всѣ злочины, беззаконности, насильствія здѣланѣ шизматиками против гр. каѳ. прав. вѣры и вѣрников.

Наша повинность просвѣщати неуких и отбити напады злых. Подперайте всѣ сесю нашу задачу вашими дописами и статьями!





**Большевики и вѣра.** Д-р Боцан епископ Луцкій (Украина) говорив, яким хитрым способом нищать большевики вѣру христіянску серед молодежи и народа.

Во школѣ дѣти учать ся, а профессором е один большевик. Дѣти змордованы от голода, бо декотрый из них дватри дни не ъв ничего окрем сухого хлѣба. Учитель розкаже дѣтям молитися, чтобы Бог дав ъм хлѣб. Дѣти молять ся, хлѣба не е. Другій раз стануть дѣти на молитву, хлѣба знов не е. Коли и на третю молитву не дав Бог хлѣба, большевик учитель каже ученикам:

„Видите дѣти, молилисѧ три раз, а Бог не дав хлѣба. Обысте знали, что Бога не е, и что вам до тепер о Бозѣ говорили, то все лиш казка и больше не вѣрайте в Бозѣ. А теперъ встаньте всѣ и заспѣвайте большевицкій гимн“.

Дѣти заспѣвали большевицку пѣсню, а коли докончили, отворили ся дверь и жона учителя, во великом кошарѣ занесла всякъ смачнѣ стравы и пороздавала дѣтьом.

„Видите — каже учитель — Бога не е, айбо если добрыми большевиками будете, все доста хлѣба будете мати“.

Видите честнѣ читателѣ, яким хитрым способом поступаютъ большевики-безбожники, чтобы изкоренити вѣру у Бога из невинныхъ сердецъ дѣтей! Агитаторы сей большевицкой злобы и туй ходять меже народом; и туй чути ихъ на собраніяхъ коли кажуть: „попы вамъ царство небесное объяютъ на другомъ свѣтѣ, а они собѣ туй глядаютъ“; тепер еще покрытъ маскою „православія“ и силують на васъ всякихъ

пройдисвѣтств, айбо коли запанують над народом, тогды вержуть маску на бок и явно выступлять со большевицкою програмою: проч со вѣрою, проч со Богом, проч со каждым священником...

Зато мѣркуйте, як св. Письмо каже: „трезвите ся и бодрствуйте“ обыстє не заскочили облестным бесѣдам сих пророков, нѣ вѣрутє их порожним обѣцянкам, и нѣ дайте ся им извести, бо если удастся им вас ъмити до рук, тогды конец христіянской вѣрѣ на Подк. Руси. „Православіе“ их маска, айбо под сею маскою крье ся дикое и фанатичное безбожіе.

**Грошъ не вонять,** казав колись один римскій чѣсар, кто и на клозеты публичнѣ наложив подати. На той самой точцѣ зреїня стоять и шизматики. На Святу Марію много процессій ишло чинеником коло одного шизматицкого села, Руського. Паломники были греко-каоолики и ишли до мукачевского монастыря, де також греко-кає. монахи праздновали храм церкви. Шизматицкой процессіи и одной не было. (Тотъ ишли до Изы на ярмарок). Однакож мудрѣ руцянскѣ шизматики поставили на путь один столик, на то образ святый, а церковник со звоником все задзвонкав коли одна процессія приближала ся.

Но та се цѣлком шизматицка безочливость. Не доста что насилою взяли церков гр.-каеолицку но ешв не стыдяться и же брати „уніятскѣ“ грошъ. Со нашима грошми хотѣли бы напыхати кешенѣ батюшки, баламутити и изводжовати народ на шизму, и привести еще больше кондашов и кочішов на шею честного руського народа. Таку безочливость еще жадна вѣра нѣ проуказала; другѣ еретики, як отступили от Христовой Церкви, та мали только чести, что нѣ притискали ся дальше на помоч той вѣры, которую так не-вѣрно оставили. Единственно шизматицка вѣра дозволить и дальше ссати кров залишеної матери и жебрати грошей от „уніятов“. Та ци нѣ правда, что яка матка, така котка ?!



Мадярон ци не мадярон? Шизматики и их москво-фильськъ проводники постоянно обклеветают наше духовенство, что оно цѣлком мадяронское. Окром той нещастной роковины иншу причину не найдуть позбуровати народ як с тым: отступѣть от сих попов, бо они мадяроны. А той смутный народ иде за тими крикунами и дастъ себѣ заговорити, что туй руській дух тогды начинав ся, коли пришов до нас из Галичини выбитый Гагатко и из Мадяршины зубный лѣкарь Гомичко.

Час уже засвѣтити и в сесю темноту и указати на то, что и сесе, як и другѣ накиды на наших священиков суть порожнѣ брехнѣ, выдуманѣ для заслѣпленя народа москво-фильско-шизматицкими агитаторами.

Минувшого року вышла из друку книжка др-а Бирчака „Литературнѣ стремленія Подк. Руси“, где собранѣ суть всѣ писменники Подкарпатскаго народа. Подано там имена 14 знатнѣйших писемников, из котрих дванадцатеро были священники и только 2 скѣтскѣ писателѣ. (И сесѣ лиш в послѣдних часах, як Ник. Гомичко † 1892 и др Г. Стрипскій, кто еще жie.) Нашѣ найславнѣйши люди, котрѣ сохраняли руську мову, котрѣ своими стихотвореніями, статьями, книгами пробуждовали руську свѣломость, были священники греко-католики! Мужи, котрих имена на вѣки записанѣ будуть в исторіи и в сердцах народа, як Духнович, Павлович, Лучкай, Волошин были священниками нашей вѣры!

Та ци не безличіє от тых пройдисвѣтов, — котрѣ лиш тепер стали указати свої лица межи нами, коли досталисме культурну свободу — разсѧти межи народом, что нашѣ священники мадяроны и ничего не робили для руськости своих вѣрников? Ци не велика неблагодарность от тых селян, котрѣ гойкают и кричат на наших священников: „вон з мадяронами“! Думаете честнѣ люде, что тотѣ батушки (переже кондаши, свинарѣ, гусопаси, кочиши, боктери) больше будуть працовати у вашом матеріальном и культурном добробытѣ, як той славнѣ писменники и просвѣтителѣ народа? ! Увидите, но тогды уже позно буде!

Исторія учить, каже една пословиця. Учить ся честовати тулу вѣру, котра такѣ великѣ заслуги мае около поднесеня нашего народа. Но учѣть ся и вы теперѣши священники и идѣть слѣдом ваших предков, котрѣ жили и працевали за народ, за руськость, обы не могли оправдати ся безличнѣ клеветы кацапо-шизматицких агитаторов.



## Кара Божа за зраду священника.

Под час революціи французької гляда́в отдѣл войска одного скященника, чтобы его ъмити и на смерть осудити. (Сяка то была французска революція, як панованя нынѣшних большевиков, котръ с мечем и огнем переслѣдуютг слуг Божіих и все что дѣло Божое.)

Як прійшли у одно село, зайшли у корчму, чтобы покрѣпiti ся и почали меже собою говорити за что они высланъ. Жона корчмаря почувши ту бесѣду, зараз указала ся готовою найти священника и передати го в руки вояков.

Вояки зрадовали ся дуже, что не треба им довго глядати и просили еў, чтобы се чѣм скоршє зробила. Жона тогды пошла до свого чоловѣка и каже:

— Ты положи ся у постель и зроби ся хворым, а я пойду и повѣм священникови, что умерае хворий и желає высловѣдати ся.

Муж сгодив ся на сесю безбожну фиглю, а она побѣгла у село за священником. Священник тогды не быв на фарѣ, но жив в одной селянскай хатѣ и убраний быв, як оден простый селянин, чтобы дикѣ революціонеры не познали его. Коли она заклопкала на дверех, из одну позвѣдали что она хоче.

— Я называю ся Брасак, мой чоловѣк хворий и дуже желає священника.

Люде, котръ вїедно бывали з священником не хотѣли го пустити до хворого, бо подозрѣвали, что священника в погибель хоче завести жона.

— Але отче духовный — казали — не идѣть, бо се якось ошуканство на вас. Но священник не слухав на них, вырвав ся из их рук и казав:

Рок 1922.

„БЛАГОВѢСТИК“

Сторона 11.

— Мушу пойти, бо то моя должностъ; а если той хвойный умре без сповѣди?

Жаднѣ просьбы аяѣ представованя не помогли, священик пошов и за чверть годины уже быв в гостинницѣ, дѣ утамив, что упав в руки высланного войска.

Жона поглянула оком на вояков и пошла до чоловѣка, который лежав в постели.

Священник поздоровив вояков с повагою и без всякого страху ступив до постели хворого. Вояки зайшли за ним у комнату хворого и чекали коли выскочить здоровый корчмаръ из постели. Но коли попозерали на чоловѣка лежачого в постели, онъ застыли от страху, бо лице корчмаря, что перед хвилею здороное и веселое было, стало ся блѣдым, як стѣна, еще перед минутами здоровый чоловѣк лежав, як труп, а смертельный пот котив ся по его чолѣ и лицѣ. Ледви чутким голосом просив священника о сповѣдь и ледвы высказывав ся и помирив ся со Господом Богом, попав в смертельное конаня, вздихав, плакав, стогнав, ревав и подвгой муцѣ умер.

Священник замкнув его очи и потом казав до вояков:

— Тепер ѿмайтсѧ мене. Я свое дѣло скончив, можете мене сковати, коли маєте такій розказ.

Але вояки салутеровали з зброями а офицер қазав:

— Отче духовный, вы есте свободнѣ. И если вы колись были бы в небезпецѣ, то лиш закличте офицера Малера.

— И нас також — говорили вояки и разпрощавали ся, вернули ся дому разповѣдаючи кождому як страшно карае Бог зневажаня и зраду слуги Божого.

---

---

Давайте „Благовѣстник“ из рук до рук. На концѣ года всѣх 12 примѣрников понесуть у переплетню, чтобы съте мали кождого року одну цѣлу книжку, во которой так вы, як вашъ дѣти и внуки найдуть оборону своей вѣры. Соберайте предплатников. Каждый христіанин, кто любить свою вѣру повинен предплатити и читати щиру, руську, христіянску газету „Благовѣстник“.

## НОВОСТИ.

— Всемірное Воздвиженіе честнаго и животворя-щаго Креста. (До заголовного образа.) Свята цариця Елена, матери св. Константина Вел. дуже желала найти той Крест, на котором Спаситель свѣта смертю своею откупив род людскій. Зачала также по цѣломъ Іерусалимъ глядати. Но довгих трудах удалио ся ей найти всѣ три кресты: двухъ разбойников и Христовы, котрѣ были закопаны подъ поганскою божницею Венери. Однакож не можно было разпознати, котрый изъ тыхъ трехъ крестовъ бывъ Христовы. Ажъ чудеснымъ способомъ дознали ся. Принесли одного мерлца и почали докладати до мерлца найдены кресты. Якъ третій крест приложили мерлецъ сразу ожив. Тепер познали, что котрый е крестъ Христов. Якъ люди довѣдали ся, что нашли крестъ Христов, зойшли ся товы и каждый хотѣвъ го видѣти. Але неможливо было, чтобы въ такой глотѣ каждый могъ увидѣти дерево Спасителя. Тогда вынесли той крестъ на подвышеннное мѣсто, патріархъ іерусалимскій поднимавъ до горы и на всѣ боки показовавъ людямъ. Народъ дивлячи ся на святое дерево своего Спасителя, падавъ на лице и казавъ: „Господи помилуй“.

На память той подѣї на праздникъ „Воздвиженія св. Креста“ въ нашихъ церквахъ подносить священникъ крестъ, а люди со священникомъ припадающи до земли спѣваютъ „Господи Помилуй“.

— Выименованія. Евген Белловичъ изъ Ирлявы до Ряпеды за пароха, др. Стефанъ Фенцикъ профессоръ богословія, профессоръ до ужгородской гімназіи. Алексій Иванчов гр. кат. священникъ, проф. ужгородской гімназіи, за директора торговельной академіи въ Вел.-Севлюшѣ.

— Ужгородска каѳедральна церковь 27. септ. на праздникъ Воздвиженія чест. и Жи-

вотворяющаго Креста праздновала свой „Храмъ Церкви“. На отпустѣ появилось ся около 3000 людей. По великой службѣ епископъ со греміальными священниками отправивъ торжественный обходъ около церкви.

— Посвященіе церкви. Его преосвященство Антоній Папп въ присутствіи множественного народа 10-го септ. освятивъ обновленный храмъ Божій въ Глубокомъ (ж. ужгородска). Во име-

Рок 1922.

„БЛАГОВѢСТИК“

Сторона 13.

ни вицегубернатора на посвя-  
щенію появився секретар Йо-  
сиф Горжеj; святочну про-  
повѣдь держав о Феофан Ски-  
ба, игумен ужгородского мо-  
настыря.

— **Кто винен за шизматицкѣ агитациї.** В Севлюшѣ, коло жу-  
пана Враного, якійсь россіян-  
ин, им. Рорбахер состоить  
референтом вѣроисповѣдных  
дѣл. Тому не мож ся чудова-  
ти, что из Ужгороду задар  
розвазує управа, в Марамо-  
рошинич ся не дѣле для прав-  
ды и прав греко-католиков.  
Шизматики сами хваляться,  
что жупан „православный“. А  
против греко-католиков на-  
правлена цѣлком дика, воро-  
жа тенденція. Священника Ал.  
Хиру, заступавшого права сво-  
их вѣрников, арестом грозили  
панове Враного. То самое мо-  
жеме казати о главно-служных  
росвиговскому округа, Сиротю-  
кѣ и Андрейкѣ. Так отдачу-  
ються нам сесѣ бѣженцѣ за  
братскій пріют, что подиору-  
ють грѣшну, дику, некультур-  
ну и протинародну агитацию  
кацапских яничаров.

— **Сестри василіянки в Пря-  
шовѣ.** Дня 25. августа перей-  
шли сестри Василіянки из  
Ужгороду до Пряшова. На  
станціи чекали их о. Дюлай в  
имени капитулы и привитав  
их, привитали их еще около  
50. членкинь руського жен-  
ского союза, котрѣ послѣ при-  
вѣта передали сестрам пре-  
красну букету из бѣлых цвѣ-  
тов. По сему ишли до интер-  
ната, где дѣвчата у бѣлых  
одежах опять сердечно при-

витали их и цвѣты метали на  
дорогу, котрою подходили се-  
стры. Перед епископскою па-  
латою чекала их капитула,  
о. викарій со своими канони-  
ками и священниками и где  
о. викарій д-р Ник. Руснак  
глубоко щирими словами при-  
вітав их в имени епархіи  
пряшевской и по сему в цер-  
кви вызначив постоянное мѣ-  
сто для сестер. По привітаню  
обозрѣли интернат и на конец  
зайшли до Єдалинѣ, где вже  
было приготовлено для сестер  
все. Интернат приготовлен и  
заряджен для 40 дѣвушок, се-  
стры имѣют 4 комнаты и  
каплицю.

— **У монастырь!** о. Петро  
Гойдич, директор епископской  
канцеляріи в Пряшевѣ, сту-  
пив на повиціят в Мукачев-  
скій монастыр о. Василіян.

— **Не ведеся шизматицам цер-  
ков будовати.** До сих пор шиз-  
матики насильствено отбирали  
церкви от гр. кат.-ов. Казали, что  
де большинство их, там их и цер-  
ков. Но теперъ уже по всюди  
утрачаючи шизматики права и  
должны признати, что если и мен-  
ше бы было гр. кат-ов, еще и в  
сем случаѣ церков и маєток гр.  
кат. Церкви и ей вѣрников. В  
Нересницѣ (ж. Мараморош, окр.  
Тересва) шизматики такожде утра-  
тили право. Свою неправду при-  
зывают и самъ с тым, что уже на-  
чали себѣ церков окремъшну буд-  
овати. Купили себѣ дерева, ко-  
tre на водѣ мали прибавити до  
села. Но бокор па рѣдѣ Тере-

совцѣ коло села Калини розбився. Шизматики, котрѣ везли бокор, поскакали в рѣку, чтобы их дерево не потерло. — Христіяне! котрѣ находитесь в селах, де вас шизматики хотять изхитити, не дайтесь! Примѣр вѣрных иересницких гр. кат. вѣрников указує вам, что если бы лиш З-ое вас было в одном селѣ, церков и тогда ваша а не шизматиков. Выберайте себѣ кураторов! Потребуйте себѣ давнѣйшого вѣрного священника, гр. кат.-еского. Процѣть церков свою вам передати, шизматики себѣ другу должнѣ будовати.

4. — **Коли батюшка шизм. любов проповѣдує!** В Бедевлѣ (ж. Мараморош, окр. Тересва) шизматики хотѣли цѣлое село на шизму перевести, но сіе им не удалось. Отцевску вѣру многѣ из между селян пе дали на продаж. Еще и теперъ похвально выдержать в вѣрѣ гр. кат.-ой. Изза сеъ причины также шизматицкій духовник (батюшка) выдав оттакій то розказ своим шизматикам: Что пе вольно пріяти на поле маргу, свинѣ селян гр. католицкой вѣри и если на громадском собраний появлятся гр. кат.-ки, таким не вольно допустити, чтобы там слова мали! Бѣдный батюшка! Помѣшае и не знає розлуки между людьми и скотами и что вѣра и громадское дѣло то два дѣла! А если знає, тогды раздор, беспо-

кой дѣлае в селѣ и должнѣ бы державнѣ власти на него гадку мати!

— **Нещастя — ци Божа рука?** Куцин Штефан в Вульховдах (ж. Мараморош окр. Тересва) першій поставив крест шизматицкій. Нѣсколько мѣсяцов тому назад из великої журы о газдовствѣ на только задумався, что утратив розум (удурѣв) и теперъ ходить луги куповати, де из котрим чоло-вѣком лиш пайдесся.

— **Рим за нашу вѣру.** Протестаціи нашѣ в дѣлѣ насильственного заведенія шизмы (кривославія) на Подк. Русь порушали апостолскій престол на то, что минувших тыждня заявив ческому правительству енергичный протест. То протест апостолскій нунцій передав и всѣм большим державам. Правительство должно защищати свободу вѣры своих гражданнов против всяких насильствій.

— **Товариство священиков.** В Оломуцкой епархіи (Моравія) уже перед роками заосновали священики товариство священиков т. зв. „Єдноту“, котрой цѣлею есть обезпечити так духовнѣ, як матеріальнѣ интересы духовенства. И напѣ священики, котрѣ до тепер жадного товариства не мали, и котрим найбольшу шкоду зробив подув револу-

Рок 1922.

,БЛАГОВѢСТНИК“

Сторона 15.

ційний, занимають ся думкою, на образ Оломуцкой Єдноты основати одно священическое товариство в дусъ церковных канонов.

— **Апостолство шизматиков.** Шизматики не с братскою любовю или христіянским духом наполненъ распространяютъ свою блудность. В них не е слово о том, что ци хочеш, ци не хочеш. Вот така свобода въроисповѣданія у шизматиков, что в Бедевли (ж. Мараморош, окр. Тересвя) Андр. Тивадар Палчик шизматик не только бѣду вдову Василя Бедей, но еще и слѣну дѣтину сей гр. кат. вдовицы побив, 23. юлія. В том самом селѣ другій шизматик, именем Димитрій Горба Димитрійов так побив гр. кат. хлопа : Никору Зеленчука, что кров швыкала из носа и из за зубов Зеленчука. Иван Банк Олексик, который вѣрный гр. кат. вѣрник, в колодязи своим одного заранка изгibлое котя (мачку) найшов.

— **Правдива Христіянка.** Вдова Слава Юрова из Золотарева перешла была жити до своеї доньки до Чумалова и там захворѣла и под тым часом умер сват дончиной старый и як увидѣла там погрѣб пизматической за 100 К, 5 минут, просилася обѣ еї зараз одвезли назад до Золотарьова, где высповѣдала и и причастилася и поднимаетя з хвороты. Она и паски не хотѣла ѿсти що святив батюшка.

— **Заборонено крестити.** В Россіи большевицкое правительство заборонило крестити дѣтей в церкви. Крестити можно аж тогда, як дѣтина выросте и буде мати сконченых 18 роков житя. Священникам загрозили комунисти, что будуть их розстрѣльвати, если будуть дѣтей крестити. Так большевики показали свое лице, бо жидам не заборонили обрѣзовати их хлопцев, а христіянам не вольно своихъ крестити. Хто то суть комунисты-большевики, с того майлѣпше видно.

— **Кресты трираменнѣ шизматики из церквей гр. каєт.** хотять изнимати. Починали у Н. Селицах, но окр. головный начальник лиштаким позволив, если всѣ до одного согласнѣ. Почали ходити од хижы до хижы списуючи, чтобы узнать кто не согласится. Пришли шором и до Петра Драгунского и зачали звѣдати якоѣ вѣры и ци согласится обѣ из церкви сесь крест изняти а покласти „православный“ и обѣ ся записав ; он отвѣтовав : „я пр. гр. каєт., а вы безбожники, кой уже и кресты вам заважают, я крест не позволяю рушати и писатися уже ся писав, колимся крестив, а уже не хочу ; и на том так засвадилися, что Петро Драгунскій колом бючи по головѣ выгнав кацапских писарѣв из двора.

— Духовенство и влада. По поводу духовных реколекцій много духовников было на днях в Ужгородѣ, и послѣ окончання реколекцій выше 50 их собрались в русском клубѣ, куда запросили и о. Авг. Волошина для обговореня днешної политичної орієнтаціи духовенства. А. Волошин обширно пояснив политичну ситуацію, потребу духовенства для позитивної культурної и политичної працѣ и на то всѣ выповѣли свою солидарность с политикою А. Волошина. Заявили свою готовность для народної працѣ и выслали 7 членовий комитет для организаціи политичного поступовання духовенства. По сему явилися у вице-губернатора Еренфель-

да и сіи рѣшенія заявили и ему. Вице-губернатор обезпечив духовенство о повной свободѣ совѣсти и осудив всякую брутальную агитацию.

— Крест на Ужгородской гимназіи, в послѣдних часах покривив ся, так что боятися можно было, что упаде. Школьный Отдѣл разпорядив поправити той крест, что и стало ся. Най прийме управа школьных дѣл и из нашей стороны за се нашу щиру подяку. А крест на чолѣ гимназіи най голосить и дальше, что под тым крестом выховається наша молодеж в дусѣ христіянскої вѣри.

## ВЫДАВНИЦТВО „ДОБРА КНИЖКА“

має на складѣ:

всякѣ церковнѣ книжки, проповѣди, часописи и т. д. релігійного содержання.



АДРЕС:

М. МОХ, ЛЬВОВ, улица Содова 4.  
Замовляти можно и через „Благовѣстник“.